



## **INFORME SOBRE O ANTEPROXECTO DE LEI DE ORDENACIÓN DO TERRITORIO DE GALICIA.**

En cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, esta Secretaría Xeral Técnica emite o seguinte,

### **INFORME**

#### **1. Obxecto**

Constitúe o obxecto da presente norma a aprobación dunha nova Lei de Ordenación do Territorio de Galicia, O anteproxecto ten por obxecto establecer os principios e criterios básicos, e regular os instrumentos necesarios para a coordinación da política territorial e a ordenación do espazo da Comunidade Autónoma de Galicia. Esta lei sustiuirá a actual Lei 10/1995, do 23 de novembro, de ordenación do territorio de Galicia; a Lei 6/2007, do 11 de maio, de medidas urxentes en materia de ordenación do territorio e do litoral de Galicia e o Decreto 80/2000, do 23 de marzo, polo que se regulan os Plan e Proxectos Sectoriais de Incidencia Supramunicipal.

#### **2. Marco normativo e competencial**

Conforme co artigo 27.30 do Estatuto de autonomía de Galicia, a Comunidade Autónoma galega ostenta competencia exclusiva en materia de ordenación do territorio e do litoral, urbanismo e vivenda. Así mesmo, o artigo 30 dispón a competencia exclusiva en normas adicionais sobre protección do medio ambiente e da paisaxe nos termos do artigo 149.1.23 da Constitución Española.

A Lei 40/2015, do 1 de outubro, do réxime xurídico do sector público, establece que corresponde a cada Administración pública delimitar, no seu respectivo ámbito competencial, as unidades administrativas que configuran os órganos administrativos propios das especialidades derivadas da súa organización.

Polo demais, e no que se refire á competencia para a aprobación do anteproxecto de lei sobre o que versa o presente informe, a mesma correspóndelle ao Consello da Xunta, de conformidade co artigo 4.6 da Lei 1/1983, do 22 de febreiro, de normas reguladoras da Xunta e da súa presidencia, de acordo co disposto no artigo 34.5 da antedita lei 1/1983 e dos artigos 37, 38, 39 e 43 da Lei 16/2010, do 17 de decembro, de organización e funcionamento da Administración Xeral de do sector público autonómico de Galicia, e tendo en conta o disposto no artigo 1 do Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda.

#### **3. Estrutura do proxecto normativo**

O anteproxecto de lei consta de 58 artigos, distribuídos en dous títulos, seis disposicións adicionais, tres disposicións transitorias, unha disposición derogatoria e catro disposicións derradeiras.



#### 4. Tramitación

O anteproxecto de lei tramítase de conformidade co disposto nos artigos 40 a 44 da Lei 16/2010, do 17 de decembro. No expediente conséntase que de acordo co disposto no artigo 41.2 da Lei 16/2010, do 17 de decembro, o proxecto de orde acompáñase dos seguintes documentos, correspondentes a fase inicial da tramitación:

- Unha memoria xustificativa sobre a súa legalidade, acerto e oportunidade, e unha segunda Memoria Xustificativa.
- Unha memoria económica-financieira con estimacións dos costes que pida xerar e o seu financiamento
- Un informe da subdirección xeral de Réxime Xurídico, de Coordinación Administrativa e da Planificación
- Unha táboa de vixencias

De conformidade co artigo 41.3 da Lei 16/2010, do 17 de decembro, a aprobación inicial do anteproxecto como proxecto de decreto pola persoa titular da entón Consellería de Medio Ambiente e Ordenación do Territorio tivo lugar en data 13 de setembro de 2018.

En cumprimento do artigo 41.4 da Lei 16/2010, do 17 de decembro e o artigo 9 da Lei 1/2016, do 18 de xaneiro, de transparencia e bo goberno publicouse no Portal de Transparencia e Goberno Aberto, constando certificado de publicación no dito portal de data 20 de xullo de 2018.

Na fase intermedia da tramitación, foi sometido aos seguintes trámites:

- *Trámite de audiencia e información pública:* O proxecto foi remitido para alegacións a todas as Secretarías Xerais Técnicas das Consellerías da Administración xeral da Comunidade Autónoma de Galicia, así como a outras entidades que puidesen resultar interesadas.  
O proxecto tamén foi sometido a información pública de acordo cos artigos 16 a 18 da Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente. O anuncio publicouse no Diario Oficial de Galicia o 8 de outubro do 2018.  
Consta no expediente a xustificación do tratamento das alegacións recibidas, asinadas pola directora xeral de Ordenación do Territorio e Urbanismo, de data 1 de agosto de 2019.
- *Informe e ditames:* Durante a tramitación pronunciáronse sobre o proxecto os seguintes órganos:
  - Informe de impacto de xénero da Secretaría Xeral de Igualdade de data 16 de xullo de 2019
  - Informe da Dirección Xeral de Avaliación e Reforma Administrativa de data 11 de xullo de 2019
  - Informe de sostibilidade financeira da Dirección Xeral de Planificación e Orzamentos de data 03 de xullo de 2019
  - Informe da Dirección Xeral de Función Pública de data 28 de xuño de 2019.
  - Informe do Consello Galego de Medio Ambiente e Desenvolvemento Sostible – COGMADS de data 16 de xullo de 2019

Na fase final da tramitación, o expediente remítese ao preceptivo informe da Asesoría Xurídica da Xunta de Galicia, emitíndose o informe en data 03 de decembro de 2019.



**XUNTA DE GALICIA**

CONSELLERÍA DE MEDIO AMBIENTE,  
TERRITORIO E VIVENDA  
Secretaría Xeral Técnica

San Lázaro, s/n  
15781 SANTIAGO DE  
COMPOSTELA

galicia

En cumprimento do disposto no artigo 43.3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería de Medio ambiente, Territorio e Vivenda.

De conformidade co exposto, esta Secretaría Xeral Técnica informa favorablemente o anteprojecto de Lei de Ordenación do Territorio de Galicia.

Santiago de Compostela, 4 de decembro de 2019

A secretaria xeral técnica

Carmen Bouso Montero



